

老子經濟思想

第一章 前論

史記曰：「老子者，楚苦縣厲鄉曲仁里人也，名耳，字聃，姓李氏，周守藏室之史也。」（漢志謂史官歷記成敗存亡禍福古今之道，然後知秉要執本，故老子書云：古之所謂曲則全者，古之所以貴此道者，古之善爲道者，古之善爲士者，故聖人云：是以聖人云等語，細爲繹之，可知其學之大有本源在也。）孔子適周，問禮於老子。（孔子見老子，究在何年，清儒閻若璩著四書釋地續，據禮記曾子問篇，謂是魯昭公二十四年，孔子年三十四歲，林春溥據莊子天運篇，謂是魯定公八年，孔子年五十歲，余以後說較確，因孔子五十歲後，思想似銳變，諒是受老子之影響所致，果然，則老子長孔子二十歲或多至三十歲，其生年

應在周簡王末周靈王初矣。）老子教以去驕氣與多欲。態色與淫志而已。孔子去。謂弟子曰。吾今日見老子。其猶龍耶。老子修道德。其學以自隱無名爲務。居周久之。見周之衰。迺遂去。至關。關令尹喜曰。子將隱吳。彊爲我著書。於是老子迺著書上下篇。言道德之意。五千餘言。而去。莫知所終。（莊子養生篇明記老子之死。遷說誤矣。）蓋老子百有六十歲。或言二百餘歲。以其修道而養壽也。」（老子傳）

老子之簡歷。固已述於上矣。然孟子曰。讀其書。不知其人。可乎。是以論其世也。敢取此義。據他書以述老子時代之背景焉。

（一）租稅之橫厚也。叔向曰。一庶民罷敝。而公室滋侈。道殣相望。而女富溢尤。民聞公命。如逃寇讐。」（左昭三）晏子曰。民參其力。二入於公。而衣食其一。公聚朽蠹。而三老凍餒。國之諸市。屢賤踊貴。民人痛疾。」（左昭三）沈尹

戊曰：「吾聞撫民者，節用於內，而樹德於外。民樂其性，而無寇讐。今官室無量，民人日駭，勞罷死轉，忘寢與食，非撫之也。」（昭十九）晏嬰曰：「縣鄙之人，入從其政，偏介之關，暴政其私，承嗣大夫，強易其賄，布常無藝，徵歛無度，宮室日更，淫樂不違，內寵之妾，肆奪於市，外寵之臣，僭令於鄙，私欲養求，不給則應，民人苦痛，夫婦皆詛。」（左昭二十）讀此，則當時橫征暴斂，誅求無厭之慘情，自可想像得之。

（二）兵役之煩苦也。詩云：「肅肅鵁羽，集於苞栩。王事靡盬，不能蓺稷黍。父母何怙。悠悠蒼天，曷其有所。」（鵁羽）「昔我往矣，楊柳依依。今我來思，雨雪霏霏。行道遲遲，載渴載飢。我心傷悲，莫知我哀。」（采薇）「何草不黃，何日不行。何人不將。經營四方。何草不玄。何人不矜。哀我征夫，獨爲匪民。」（何草不黃）讀此，則當時人民因喪亂而流離失所，痛苦不堪之狀態，猶令人不寒而

慄。

(二)貧富之懸殊也。詩云。「彼有旨酒。又有嘉肴。洽比其鄰。婚姻孔云。念我獨兮。憂心慙慙。咄咄彼有屋。蔽蔽方有穀。民今之無祿。天天是祿。苛矣富人。哀此惇獨。」(小雅正月)「小東大東。杼柚其空。糾糾葛屨。可以履霜。佻佻公子。行彼周行。既往既來。使我心疚。」(大東)「糾糾葛屨。可以履霜。摻摻女子。可以縫裳。要之襍之。好人服之。好人提提。宛然左辟。佩其象紕。維是褊心。是以爲刺。」(葛屨)「不稼不穡。胡取禾三百廛兮。不狩不獵。胡瞻爾庭有懸貆兮。彼君子兮。不素餐兮。」(伐檀)讀此。則當時豪門肉臭路有餓骨之怪狀。活躍紙上。欲奠民生。「有飯大家吃。」尙矣。

(四)商賈之掠奪也。管子(葉水心曰。管子非一人之筆。亦非一時之書。莫知誰所爲。以其言毛嫱西施。吳王好劍推之。當是春秋末年。又持滿定傾。不